




養浩堂續集

天

早稲田大学図書館
文書 27
E 53
1



養浩堂續集卷之一

古今體六十九首

從明治十三年到十五年

墨批 黎蕪齋

朱批 傅懋元

養浩堂詩集跋

有清光緒十三年秋八月雲龍
得游歷

諭將發京之玉島丸大八投刺
者於誤而曰閱黎星使言有
學願見時脂車矣息一而知
為 栗香先生子嗜學知訪
出視養浩堂詩未遑讀至東京

栗香筆譚往事歷如目
前未嘗不嘆少嗜詩銀若不
少綴然雲龍畫游夜記苦無
所印席唱和未推故也而
栗香不下河賦十四年春游西
京復東 栗香以續藁曰敘
時雲龍艸圖經諸書扁六三
數未寤也敘遲召此游美利

堅者日矣讀 栗香此又未嘗
不嘆其益精不枉也倫理述
如綿如不濫引故實引則哲如
不見擬古意古調擬如奧如純
如境則別如而懷則右如或以
續東瀛詩選諸言符采風餘
力及之如昔淳思 栗香其巨
摩乎選付寫官皮必有進序

子和之清於老鳳且將聽離
 鳳聲於前雲燕樹間也德清
 傳雲龍懋元敘於東京



養浩堂詩集

羽前 朱澤 宮島誠一郎宋香著

○庚辰元旦早朝赤坂離宮

日上扶桑第一山。宸宮高處拜

天顏。旗章。綵煥。祥雲。色。春。滿。千。門。萬。戶。間。

黃公度曰氣象雄闊可以安武王岸
 莊吉雲曰雲山九門曙天地一家春當與此詩并

提而論
 陳養原曰氣象萬千

姚子梁曰雍容華貴是金華殿中人語
 黃超曾曰莊麗

○一月九日飲水明樓

頭。顛。如。此。不。堪。搔。對。鏡。偏。驚。見。二。毛。官。跡。屢。遷。心。自

得詩情。雖減氣逾豪。新年歌吹。千場酒。十載悲歡。三寸毫。霜雪滿城春尚早。梅花與我獨爭高。

公度曰：此懷如詩。律更精細矣。

吉雲曰：抱負不九。寄托遙深。

黃超曾曰：甜嬉淋漓。筆歌墨舞。

陳步積曰：積健為雄。壺光景。

○向島省櫻

江城四月尚餘寒。萬樹芳菲春未殘。最愛櫻花花正好。三回來向墨堤看。

何子我曰：新曆四月乃是春暮。江城氣候較遲。安得不尚寒乎。此詩可謂紀其實矣。

又曰：一之為甚。至再至三。花神有知。定應微如。倘

少恐花神不如其教。正恐其然耳。吉雲曰：有斯花當有斯詩。不負十分春色。陳步積曰：花如有知。將何以酬三顧。

○送長岡成山君奉節使和蘭國和其留別韻

奉命西行辭

帝家星槎萬里向天涯。結交外國情宜厚。傳

詔殊方論莫諱。旌節高標蘭北日。衣冠猶帶海東霞。

使君此別無瞻戀。只負墨江三度花。

何子我曰：興高采烈。得之和韻。尤難。

黃超曾曰：三四樸實五六軒舉。

○向島席上和張副使魯生君韻

槎淮同韻槎擬
改軀
傳詔擬易專對

雨。絲。風。片。易。魂。消。墨。水。花。飛。春。寂。寥。今。日。與。君。來。對。酒。芳。情。未。肯。等。閑。拋。

何曰拋則拋之何多情乃爾
姚曰春去一年又來然才人多情未免有惜春之
意耳 陳步璜曰無限深情
黃超曾曰情詞深婉

○雨後春村應制

父老欣欣笑幾回。行者農事趁晴催。春林花發牧牛
睡。南畝風暄田暖來。自古躬耕勤稼穡。為先儲蓄備
荒災。須知天意啟群賢。昨夜東隅始有雷。

何曰頌不忘規有合古義
莊曰嘉謨入告可贊皇猷
步璜曰得幽風無逸之旨
子梁曰陳義甚高言皆有物不惟以詩人目之

○七月六日養浩堂即事二首

迎雨梅方熟。送梅雨未晴。江城雲樹暗。終日子規聲。

公度曰渾成 黃超曾曰言盡意不盡深得絕詩三昧
步璜曰意象欲生

雨外明殘照。鐘聲隔嶺傳。歸鴉飛欲盡。冥冥入蒼煙。

黃超曾曰手揮目送神在箇中
姚曰眼前景口頭寫詩亦天籟不同凡響
莊曰悠然情韻
步璜曰畫境亦是化境

○香瀾樓詩會分韻得月

風度高樓炎暑歇。美人當面清歌發。不知簾外素輝
流。回首松間有新月。

公度曰別有意外遠致
養原曰新俊可喜

冥平聲擬易

吉雲曰客心洗流水餘響入霜鐘詩有此境
子梁曰素輝與玉顏相映可謂清而艷矣詩之新
穎亦如之
步廣曰濤遠有神

○同吉井三峰遊東叡山

蓋世功名不可期。此心唯我與君知。僧房半日來。逃
俗靜對窓。聞一局碁。

步廣曰塵心一洗
黃起曾曰余曾見板橋老人長卷上題瀟湘八景
浪淘沙詞曾和其韻有怕淡世事付長嘆且把一
杯消永晝却了棋殘
如曰蓋世功名未必不期僧房小憩偶忘世緣耳
莊曰因過竹院逢僧沽酒得浮生半日閑

○辛巳晚春飲古海臥園賞花

一。雨。催。新。綠。晚。寒。尚。有。花。不。關。春。已。老。醉。倒。故。人。家。

步廣曰嘉放
吉雲曰自稱臣是酒中仙即以奉贈
○妹未保科公來自米澤與弟長政死大八伴去

餘王子扇屋四月十五日

清溪隈四面。足以滌塵襟。世事浮雲去。詩情春水深。
花光搖檻角。鳥影印潭心。相笑呼朋坐。扇樓酒可甚。

公復曰調圓意穩似宋人好詩
如曰若置全唐詩鈔中難辨為近人之作不似宋

詩也
黃起曾曰流麗清新

方子綬曰後聯好句如仙

傳雲龍曰五言長雕琢

○四月十九日遊向島邂逅吉田杏陵

世事二句自然
相字擬改一字

無人不知。赴春晴。向島櫻花雪。樣明。邂逅相逢。舊吟友。梅妃塚畔拾詩行。

公度曰：隽妙。可誦。步璜曰：有此詩，梅妃不朽矣。

子梁曰：予昔在西泠，每遊湖上，未嘗不念小青。今過墨江，亦未曾不依回於梅妃情之感。於不自禁。

者如此。遊興頓酣，歌聲勃發。

○七月十六日，飲八百松樓，彗星出于東北。

醉餘倚劍吐光銳。八百松樓氣欲狂。明月不來天已

晚。墨江如墨，彗星長。

何曰：奇景，故以險語寫之。徐孫麒曰：沈雄之筆。

公度曰：吐氣如虹。步璜曰：顧盼自雄。

黃曰：右入門下，馬氣如虹之概，聲調亦響。吉雲曰：鬪字甚巧，不着痕跡。

○九月六日，舟過利根川，到鴻臺觀，里見北條古

戰之跡，慨然有作用武侯廟韻。

關左雄圖何處尋。鴻臺夜色氣蕭森。導軍息馬空留

影。捲浪鐘淵尚吼音。縱有長江白地利，爭如主將攬攬

人心。扁舟吊古頻回首。月白風淅，淚滿襟。

養原曰：高壯。莊曰：先生欲移情久矣。黃超曾曰：起筆雄健，後聯議論風生，結得慷慨。

公度曰：淋漓悲壯，第三聯包括無遺，成敗判然。步璜曰：工部其前身耶。

○九月九日，過奧州白河，此行携兒大八歸米澤。

因憶七年前重陽陪。先君子一瓢大人同兒

大八飲東京九段坂詩酒承歡今也父已亡而
我與兒在行路悵然作長句初一解則用 先

君之詩也

九月九日九段坂六十九翁九歲兒攜手同登松葉
閣和顏快醉菊花色此詩先君手親寫距今七年
重九時我自稱觴兒磨墨一醉陶然酒共揮兒今長
大父已逝携兒偶向故山歸白河關外值佳節登高
且誦當年詩秋風蕭瑟落木下晚日淒迷斷鴻悲我
到家鄉問妹姪却望京城淚沾衣去年重九猶吳侍
先君以去年十月五日終世今年重九空歎歎強酌一杯屬兒飲

落葉擬改木葉詩
鴻擬改鴻雁

此境非汝誰得

養原曰真執一鮮想見天倫之樂
黃曰知段一鮮想見天倫之樂
陳步廣曰至情至性不隨不離
黃曰語曰從性情流露讀之哀感行路
姚曰情真故語摯此天籟非人籟
公度曰情景叙得具備大家手段

○歸米澤過猪苗片町舊宅妹姪悉集團藥笑語
終夜不寐余移家東京十四年今始至其喜何
如却懷先人遺訓感舊情深賦二首

阿妹當家最可憐相逢情話欲何先
慇懃慰我炊雞黍喜極終曾未肯眠

步橫曰的是久客初歸情景
黃起曾曰語真情摯耐人尋味

憶昔趨庭受教初。嬉遊不讀聖賢書。何堪四十空頭
白。來掃先人舊草廬。

何子英曰 蒲然若子之言足見至性

陳步璜曰 慨當以慷

班子英曰 有養浩堂集數十首不負學詩之庭訓

○米澤舊藩士協力創立製絲場而家皆織紡可

謂能勉業矣仍賦之贈同好

十年為客故鄉歸。城郭半非人。未非柴柘陰中。三萬
戶。家家無處不鳴機。

何曰 是開化有成效 公度曰 苟使在國如此 復何患財不足

城郭白有味

步璜曰 如讀幽風 黃超曾曰 寫景入妙 宋元佳句

姚曰 予於十年前種桑數千株為故鄉倡 近來蠶織漸盛他年賦歸去來時 倘亦如此詩所云則喜可知也

○九月十六日舟下合海宿清川示吉井三峰

江流曲曲水悠悠。兩岸青山一葉舟。未到清川三四
里。斜陽明滅橹聲柔。

公度曰 詩中有畫 畫中有詩

步璜曰 隨手拈來皆成妙諦 黃超曾曰 奪稿容與 繪影繪聲 方子籟曰 柔字佳

○九月三十日山形栢山寺訪齋藤馬陵此夕有
約已過期及深夜遂宿

佛殿蘭之燈影殘。經過林外已更闌。與君同宿栢山寺。卧聽江聲到枕寒。

傅懋元曰有漁洋韻
黃曰夜半鐘聲意境彷彿
步廣曰結句當以錦囊貯之
公度曰山寺夜宿之景男得在目

○米澤栗子山隧道新成山形縣令三島通庸起創此工前後六年始克竣功今歲十月二日

聖皇巡狩親勞官民臣誠一郎謹偕縣令到栗子

山茶奉迎

聖駕感泣之餘賦七言一章

六年開鑿幾辛艱。隧路新通嶮嶽間。至竟精神勤天

地。鑿輿初幸羽州山。

黃超曾曰鑿山通道以濟人力每車不及西人創之東國因之其功不在禹蹟下
又曰百姓聞車馬之音故且歡聲動天地也詩亦有雅頌聲
公度曰聞聖駕過米澤時極贊鷹山公遺澤君何不作詩記之乎

○清龜樓聞琵琶

哀弦掩抑恨無涯。夜靜樓頭秋月斜。似否潯陽江上客。青衫淚濕聽琵琶。

步璜曰以少許敵江州司馬多許是以短兵制勝者
養原曰清婉
吉雲曰追懷香山流連吊古
方子鶴曰宛轉淪亮神似白傅

○勝海舟畫贊

江左豪雄勝海舟。曾參帷幕贊謀猷。飄然高卧武城外。不屑安房萬戶侯。海舟前叙安房守

公度曰豪情高調能狀海舟之為人
黃超曾曰高超稱題

○白鳥八百松樓餞古香秋月君辭議官歸日向

古香文名人所推服

本知筆陣掃千軍。不怪騷壇獨擅勳。關左風流誰是主。江東俊逸久推君。詞源倒似墨川水。文氣高於吳嶺雲。交契多年同把酒。何堪此夕說離群。

徐孫繼曰後聯筆能降立
方子駿曰夙習高騫海高松逸

有俊偉之氣

黃超曾曰五六警拔
步璜曰走雲連風

○十二月十七日初雪會晚香吟友於向島八百

松樓

同。雲。黯。滂。天。影。低。雪。花。紛。々。日。色。迷。城。中。咫。尺。行。人。絕。戢。翼。子。鷄。噤。不。啼。欣。然。驅。車。溼。東。去。飛。絮。黏。地。不。成。泥。身。披。鶴。氅。覺。猶。冷。瓊。樓。玉。樹。望。中。齊。長。安。酒。價。不。愛。貴。潤。入。田。奴。足。鋤。犁。預。卜。明。年。歲。稔。熟。穀。豐。酒。饒。樂。群。黎。寶。塔。鐘。沈。淺。草。寺。旗。亭。燈。上。小。梅。溪。瑞。雪。歌。成。人。酣。醉。不。知。簾。外。風。淒。々。

公度曰音節意境俱佳絕無塵俗氣繞其筆端
黃超曾曰有坡老氣格能於空處傳神故佳

足字擬改鬆

饒樂擬改釀歡

黃曰正月見三白裹夫笑嚇即此意

又曰未段忽插工麗句便不粗率

步璜曰調高響逸 莊吉雲日似坡老吟

方曰收筆浪然高韻

○壬午新年偶成
馳逐中原髀肉消。寒驢今復事逍遙。好將當日曾投
筆。來詠梅花過野橋。

何子我曰末二句有姿致 步璜曰情不淺于風雪中驢子皆上

○送清國星使何子我如璋君任滿辭日本歸燕

京

星。樣。遠。駕。東。海。濤。喜。君。奉。使。專。節。旄。清。和。兩。國。結。盟。
約。君。於。此。際。宣。勤。勞。捧。書。來。謁。紫。宸。殿。春。雲。謁。之。垂。

御袍禮成已見使臣節。詛洽宜承

皇帝褒。即今亞洲氣。稔惡。猛鷲摩。翻射。狼。嗥。唇。齒。相。

持事非易。脫佩欲贈。日本刀。駐京四載。初解職。離筵。

縱酒頻揮毫。書訝雲龍躍。出水詩。疑海鶴清。鳴。臯。天。

賦奇才。奪造化。果知君是人中豪。曾自南方舉進士。

追逐韓柳參翔翔。潮州鯨鯢長。退避庾嶺梅花爭。孤。

高天下。如君未多見。此別最覺心鬱陶。君今歸國兼。

省觀海若護。舟風欽。號南極星。輝照華宴。瑤池果熟。

斟香醪。仙游咫尺。路非遠。蓬萊直待騎鯨鼉。歌成贈。

君君贈我瓊瑤之報。慚木桃。

黎蕪齋曰起得勁直

黃公度曰豪情勝概

蘇養原曰風林雄蒼

懸之國以一字不能易尤見每飯不忘素志故知

非尋常詩人可也唯有贊歎耳

陳步瑛曰古節古音

何子茂曰贈別長篇格高氣逸再三諷誦令人神

旺歸裝得之行色頓壯謹當什餐藏之作子孫之

寶且示友明以誇此行所得之奇非特心感之而

已勉步雅韻字句淺俗不足以言詩聊述一時交

阻以為祇好云

方子能曰高論卓識未段筆下軒有靈氣

孫君異曰語重心長迥異尋常贈別之作中間傲

兩國交際尤為得體

如子梁曰中東通好隋唐時為極盛然有來無往

倘未若今日也何公乘槎東渡為二十年來未有

之創舉宜才壇北唱剛長為海東佳話也至詩境

之豪邁諸家論之詳矣予又云

蘇齋曰七言古體雖無一定平仄然於下筆時實

有自然之音響節奏奔赴毫端此殆可意會而非

可言傳者難以和字原多韻語不諧篇中如乘欽

蘇親等字皆是此病借易數字以駕喜柳觀似乘欽

協和第未知以和音極之有合否也

方子能曰天賦二句諧極即聲調諧中杜韓正軌

也由此推之即得矣

○西國中村樓大張宴餞何公使黃參贊歸清國

江樓把酒送君回墨水連天帆影開五載交遊歡未

盡一朝離別恨難裁手攀兩國橋邊柳思寄羅浮嶺

下梅聞說海南鴻雁少不知書信幾時來

燕齋曰起結頗似唐音一朝句尚未暢然意滿

子能曰語重情長起句破空而來尤見遠神結語

亦勝曰陳步瑛曰情深潭水

子梁曰一氣流走結尤沉着所謂從心坎中流出意

○黃參贊公度君遵憲將辭京有留別作七律五

黃參贊公度君遵憲將辭京有留別作七律五

黃參贊公度君遵憲將辭京有留別作七律五

章余與公度交最厚臨別不能無黯黯銷魂強
和其韻叙平生以充贈言

渤海初浮星使舟。知君參贊果名流。五年帷幕紆籌
策。萬里江山縱勝遊。文酒唯須修舊好。戈矛何敢諫
同仇。明朝又向東洋去。一舉鵬搏大地球。

公度曰有卓爾不群之概
姚曰奕奕奕奕雅雅公度為人

方曰結句奇諸未經人道
黃漢曰五語皆精采奪目末章足贈言之本意尤

見交情
之厚

夙以文章呼俊豪。連城有價格尤高。老成方見波瀾
妙。結構湏知根柢牢。勁比穿巖李廣鏃。快如剪水并

刃。驚駘難及追風駿。把筆逡巡鬢獨搔。

公度曰余詩不足望先生之肩昔先生乃作兩許
諸讀之擲汗

黎曰李廣并州二語却不當以物論
姚曰老成一聯能盡詩家之妙此非三折肱者不
能道

幸然文字結奇緣。衣鉢偏宜際此傳。霞館秋吟明月
夜。糴街春酌早櫻天。佳篇上梓人爭誦。新史盈箱手
自編。恰愛過江名士好。翩翩裙袂若神仙。

公度曰風流俊爽
蘇齋曰佳句翩翩之句音節最響

徐孫願曰草錄有致
姚曰此詩翩翩之風致亦似過江名士也

自昔星槎浮海到。看他文物盛京華。相將玉帛通千

里。可。喜。車。書。共。一。家。使。客。縱。觀。新。制。度。詞。人。爭。賞。好。
櫻。花。墨。江。春。色。東。台。景。分。與。天。工。着。意。誇。

方曰真寔情事
句外有味

莫。說。天。涯。與。地。垠。電。機。通。信。意。相。親。連。衡。畫。策。希。興。
亞。唇。齒。論。吏。貴。善。隣。十。室。由。來。猶。有。士。中。原。到。處。豈。
無。人。期。君。早。遂。經。時。志。海。陸。兼。營。西。火。輪。

公度曰一氣揮灑萬象在旁
謂倣傑識時務者

此章雅容大雅情豪意真極者興到之作僕此行
得此佳作華采之榮無以踰此惟過譽處慚歎不
敢當士干燈節前一夕黃蓮憲公度謹讀
五章音節諧和懷抱交情勃露紙上非與公度結
契至深鳥能言之親切有味若此燕齋黎庶昌拜識
五詩一氣湧出而若有意致中間崇論閎議謀國

之衷愛友之誼兼畫之吳方澹益子聰拜讀
統觀五詩眷眷于西國交情最見深摯至篇中多
錦囊佳句猶其餘事陳積金步璜拜讀
統觀五律一往情深潭水桃花差可比擬論其風
韻亦在中晚之間孫點君異漢讀

○三月十四日送參議伊藤春畝大臣奉

朝命之歐洲謹呈二章此行擬諮問國憲

十年當軸政新成。

帝。賜。褒。書。海。外。行。一。氣。洪。鈞。隨。物。化。上。台。星。象。照。文。
明。鹽。梅。夙。具。和。羹。午。輔。弼。漢。期。補。袞。為。是。使。君。威。
望。重。遠。洋。風。穩。浪。無。聲。

此日兩詩莊雅頗得臺閣體裁
吉雲曰如誦南浦如歌北山

豐。華。原。削。兵。馬。豪。蓮。峰。獨。立。碧。天。高。

神。皇。一。系。王。風。遠。瑞。穗。千。秋。國。祚。牢。初。日。晴。輝。東。海。

鏡。藪。雲。長。護。熟。田。刀。隨。波。吐。恐。歸。西。極。為。鎮。靈。山。戴。

巨。龍。祖宗神鏡藏于仰勢太廟藪雲神劍藏于尾

燕齋曰前章知平雍容次則風骨高騫
傳雲龍曰健筆凌雲 吉雲曰文治光昌

○四月八日九日及十二日三遊向島觀花

暖。放。花。花。盡。開。香。雲。萬。樹。白。為。堆。城。中。多。少。遊。春。

客。總。向。墨。駝。江。上。來。

千。枝。紅。濕。鎮。纖。埃。夾。路。紅。櫻。今。正。開。晴。日。問。花。看。不。

足。却。乘。微。雨。問。花。來。

紅櫻今正擬改新
櫻正好
晴日句擬改三月
晴猶未足
問字擬改看

方擬改成

莊曰情韻欲流
陳叔瑛曰情興太濃

放。舟。徐。逝。墨。江。隈。細。雨。如。煙。望。未。開。忽。識。前。堤。花。已。

老。春。波。新。帶。落。紅。來。

步穰曰秀麗

○暮春過向島有感

愁。紅。怨。白。更。無。痕。風。雨。落。花。春。一。村。驚。覺。繁。華。三。月。

夢。杜。鵑。聲。裏。易。銷。魂。

吉雲曰六朝金粉隨波去三月煙花轉眼非瀆此
更覺淒慘

○五月四日飲元田東野侍講鶯花富貴堂和主

人韻

倚水名園到夕陽。綠陰幽靜好移床。鶯花富貴春常足。詩酒交遊業不荒。歡飲唯當酬聖世。放歌何用唱滄浪。欽君講幄餘清暇。延引嘉賓興味長。

莊曰昇平之奏知雅之音

○五月二十日遊堀切溪蓀未開

古村流水一橋通。茅屋柴門踈竹中。幾畝溪蓀花尚早。猶餘芍藥半畦紅。

莊田瀆之如入桃源

○龜田鵬齋詩碑在向島木母寺

留詩三字擬改
餘詩有
稱字擬改本
彼字擬改橫

古人吟骨化為土。此地空留一詩碑。鵬齋居士稱奇俊。詩名蓋世彼一時。晴波歷々照層石。木母寺前墨江滑。今日誰誦香風句。櫻花飛盡鵲聲悲。櫻花香風指碑中句

莊曰奇峰天際現萬變雲為圖

○六月十日遊金杉

雲色黏遙嶼。潮聲落晚汀。振衣人近海。颿影上窓櫺。

莊曰三唐遺響傳雲龍曰起聯皆唐

○六月二十六日清國星使黎庶昌薺齋君初見訪筆談半日賦詩以謝

連日愁霖不斷聲。何圖傾蓋訂交情。天公亦似助吾

興。方。及。君。來。忽。放。晴。

莊曰潭水桃花方為情致

○七月二十四日同姚子梁小田切貴園第小森

澤君玉飲海樓金杉和子梁韻

佳。勝。推。金。海。好。為。消。夏。遊。更。歡。非。一。日。賓。主。是。同。洲。
月。色。不。知。夜。濤。聲。高。似。秋。與。君。吟。且。飲。此。興。孰。能。傳。

月色一聯神韻
獨絕

步璜曰詩亦與秋爭高
莊曰樽酒吟詩想見文人高會之樂趣無怪昔人
一別有渭北江東
之感身傳雲龍曰妙造自然

○八月一日養浩堂即事

日。暮。秋。風。起。長。天。雲。思。飛。紫。門。人。不。到。明。月。送。清。輝。

莊曰似陶淵明詩
傳愨元曰天然

夜。色。催。秋。颯。有。風。幽。人。不。寐。倚。梧。桐。碧。天。明。月。來。相。
照。絳。聲。寒。古。壁。中。

莊曰一塵不侵萬籟俱寂
步璜曰清絕

八月十五日佐野雪津招朝鮮學生尹致吳於

秀芳書院勸酒聞韓城之變父尹雄烈罹難而

實不死和雪津韻

松。秀。花。芳。書。院。深。飲。他。羨。蔭。樂。鳴。禽。主。人。延。客。多。餘。
裕。博。愛。誰。知。是。素。心。主人創立博愛社故及

莊曰知己天涯

○八月二十八日姚子梁邀余於湖心亭此夜當
前赤壁佳辰三四章故及

一。味。新。涼。秋。信。通。湖。心。亭。子。晚。多。風。湘。簾。四。卷。燈。光。
動。人。面。荷。花。相。映。

傳聖龍曰清新

此。中。天。地。似。蓬。壺。紅。藕。花。開。秋。滿。湖。唯。為。微。雲。掩。明。
月。白。銀。宮。闕。有。如。無。

傳雲龍曰唯微二音按改作夜事
方子獲曰似王漢洋詩漢洋詩以神韻勝

小。西。湖。畔。興。方。新。前。赤。壁。遊。當。此。辰。明。月。清。風。無。限。
好。蘇。公。一。去。屬。何。人。

超逸

莊曰抱負非凡

一。從。貶。竄。讀。黃。州。二。賦。千。秋。赤。壁。遊。邀。笑。坡。公。莫。由。
見。楚。雲。湘。月。海。西。頭。

莊曰獨景生情詩人之詩
方曰情韻悠然

步障曰空際悠然
又曰天下豈無名勝于小西湖與赤壁而多湮沒
不彰者未得名人以一詩則雖謂一坡游一壑為山水
今光生游西湖也以詩則雖謂一坡游一壑為山水
幸可也

○九月九日朝辭武官尹雄烈同其子致吳來訪
酒間賦之尹氏向偕修信使來故及

鷄林逆焰及王宮。避亂重來東海東。相遇憐君顏色。

雞林擬改韓城雞
林實即今吉林也

瘦。衣。冠。無。復。舊。時。風。尹以望服逃去

莊曰慨當以慷

談。及。獵。遊。呼。酒。危。張翥張戰張。翥。噴。眼。見。雄。姿。一。聲。裂。石。陰。風。
動。長。白。山。頭。射。虎。時。尹以談獵虎事

莊曰擊碎唾壺

○九月二十六日飲吉井以高輪新樓此夜中秋
水。輪。出。海。淨。無。塵。煙。千。里。金。波。水。接。天。幾。度。中。秋。同。對。
酒。今。人。古。月。兩。依。然。

莊曰酥味曲包

○養浩堂秋夜偶成

張翥噴眼擬以賢
髯張戰

人。定。三。更。下。砌。行。碧。梧。浮。月。露。華。清。秋。來。欲。覓。渾。無。
處。只。有。蟲。鳴。似。雨。聲。

吉雲曰此秋聲也
步璣曰與劉方平月夜詩異曲同工

○十月六日邀伊地知一柳吉井三峰兩伯草堂
勸。酒。酒。間。揮。毫。各。遣。興。為。賦

紫。微。花。落。桂。花。開。庭。榭。沈。吟。對。酒。杯。秋。氣。襲。襟。風。似。
水。故。人。今。夕。惠。然。來。

莊曰可入風騷

○十月十三日招清國公使黎純齋君於紅葉館
答。書。有。暗。則。赴。雨。則。不。赴。之。語。為。有。此。作

本約字擬改折
簡

滿城秋色菊花香。折簡木約相邀把酒觴。半雨半晴紅葉
館。惱人天氣近重陽。

莊曰秋陰晴是催
祖人賦興矣

○十月二十日黎燕齋君為登高會於東叡山曰
賦之此日當重陽

黃花天氣怯微寒。落帽秋風醉盡歡。記取遠來君奉
使重陽菊向異鄉看。

莊曰遠憐故園菊當與此句共傳
步陳曰讀之令人動善鱣之思

○席上和黎君見示韵

車書本喜兩家同。相會一堂杯酒中。名士文游無俗

爭字擬改鬪

窮字擬改凝望睇

態。使。君。舉。止。有。儒。風。文。雄。力。足。扛。台。鼎。詩。麗。才。堪。爭。
錦。楓。今。日。登。高。秋。色。好。海。天。窮。目。送。飛。鴻。

莊曰經濟文章本來一事
傳雲龍曰稿
陳曰二頂聯落口大方足以壓元白

重陽詩酒一歡同。異域嘉賓在眼中。不負皇華歌使
者。且將佳節醉秋風。籬邊脫帽先尋菊。林下停車坐
愛楓。此地明年應再飲。憑君休說似泥鴻。

莊曰病也可醫人淡如菊
姚曰此詩流利別一勝場押楓字尤覺自然

○十月二十二日同清使隨箕姚子梁及小牧櫻

川小田切貴園弟小森澤君玉飲深川松茂堂

距今十七年歛此堂不能無追感為賦二絕

豪竹哀絲憶昔遊。池臺非復舊風流。樽前難止無窮恨。花易凋殘人白頭。

紅粧佐酒儘豪遊。誰比楊州第一流。唱到當年舊歌曲。絃聲淒咽易低頭。

莊曰如唱陽關三疊曲
姚曰感慨係之小杜所以有綠葉成陰之作也
益方曰陳曰此曰傳青衫所以濕也

十一月十九日宿浦和驛

一年一度偶離家。客枕蕭條燈影斜。腸斷荒鷄寒鼓翼。東窓猶未聽晨鴉。

十一月二十日同日本鐵道會社長吉井三峰

伯赴川口觀新造鐵道川口至桶川其間線路

可八里九閱五月而成其工事之速令人驚歎

料應明年一月達熊谷距今七年同三峰振上

毛小坂檢鐵礦告予曰西哲言天下唯鐵與火

耳苟使鐵業振起則國家何憂不富強今也鐵

道已就緒駸々然有東進之勢蓋因三峰許為

會長督其事務余願東北人民宜奮勵從事告

竣功以報國恩此日西鄉農商務卿亦自群馬

縣至遂試運轉瀛車自川口到桶川而歸余喜

賦五章

鐵。路。催。成。川。口。東。漢。車。奔。駛。疾。于。風。富。山。如。搗。日。光。
笑。毛。野。藏。原。一。瞬。中。上毛下毛武藏三國大坂原野
與。君。曾。檢。毛。山。鐵。今。日。何。圖。築。漢。車。此。路。直。當。通。北。
海。休。疑。遐。域。被。皇。華。
天。下。物。唯。鐵。火。耳。能。為。其。事。即。英。雄。富。強。一。語。君。曾。
記。儻。出。西。人。肺。腑。中。
八。里。鐵。成。五。月。間。經。營。原。不。惜。辛。艱。何。時。更。進。東。方。
步。一。路。雲。開。翼。羽。山。
先。民。獎。勵。是。純。忠。

雄健

帝。賜。優。言。寵。命。隆。衆。庶。從。今。知。永。賴。厚。生。利。用。一。人。
功。

輪船利於水輪車便於陸實關天地未有之奇西
人製器尚象厥功甚偉今貴邦依仿而行又得大
華洋色之誠屬不朽盛業至於詩筆雄健高是餘
事拜服之誠屬不朽盛業至於詩筆雄健高是餘
往余在西洋時曾聞有人論及不出一百餘年
別英西人煤鐵將竭此諸似無不替余至歐羅巴
在丙子年煤鐵將竭此諸似無不替余至歐羅巴
六年而電燈編於比海內天地之變日出不窮異日
昌再識弱亦有代興皆非吾人思慮所及已黎庶

歷觀諸作渾雄簡當直通唐音具此詩不獨海東
獸步也讀畢欽佩奚如

光緒乙酉初夏 六合徐承祖拜識

先生大作蓋樂中之韶也豈瀆至再發志因味非
枕藉三唐弗克有此巨觀欽佩銘佩

在梁小東陳積鑫拜讀

長歌贈栗香先生即題養浩堂集後

長風萬里吹驚濤送我來釣三山鰲珊瑚鐵網打不
盡掀翻丹穴鸞凰巢栗香太史東方髦人中魁傑詩
中豪世守韋賢篋家藏呂虔刀蘭成始射策士雅行
登朝正喜毛義捧官檄又從穰苴授戎韜當年奧羽
用兵日煙塵瀕洞森霜飈絕裾異溫嶠投筆同班超
縱橫當道老罷卧蕩決臨陣鬪虎哮魯連却軍獨辭

賞馮異報國羞言勞圖形何必鄂與褒馳書要用乘
與皋即今河海幸清宴咸池日出爝火銷吳宮榛莽
昔走鹿魯泮芹藻今懷鵠廷臣爭薦馬卿賦侍女解
誦王淵簫鳳閣修書借玉斧龍池得句賜錦袍從容
臺閣譽鵲起眼看東澣于門高雙修福慧至此極填
胷塊壘應全消盱衡宙合獨深念環球五部橫流滔
親仁善鄰國之寶輔車唇齒宜漆膠繁樂揖讓美胙

豹縞紘投贈到札僑長言詠哥曼球石鏗鏘咸獲鳴
雲璈手編詩史進九陛口傳新咏遍百僚吟弄月露
本餘事根核忠孝祛詖佻胚胎漢魏禰唐宋范樞雅
頌規風騷璇源九派瀉靈府瓊漿一勺傾天瓢碎勻
雷電倏風雨迴翔鸞鶴潛虬蛟歐爐百鍊燦千莫崑
圃萬仞羅珉瑤黃河導源落宿海朱瑟流韻撞蒲牢
斬斬已成獨麟角紛紛盡埽千牛毛山陽不作管梁

逝援弧拔幟誰歟翹黃森湖敬六七作能辨涇渭淄
澠淆生才那可斗斛計直以後勁凌前茅我輸何止
三十里棄甲早擬華元逃尖义竭蹶門坡老競病佶
屈賡教曹力能扛鼎笑烏獲意欲焚硯從君苗論文
李杜得真訣入林稽阮期久要雲龍上下勉追逐僵
如籍湜寒如郊韓碑柳雅有述作帝所催奏鈞天韶
郎署肯放馮唐老草亭漫解楊雄嘲知君夙勵大夫

羔願君早珥侍中貂溟鵬奮翼搏扶搖主盟壇坫麾
節旄琱戈永戢彤弓弨舟楫既濟鹽梅調然後拜手
稽首明良喜起颺夔陶不然鐫金鏤玉大書深刻銅
柱扶桑標胡為一編日手昕宵矻矻燃蘭膏摹天繪
地丹山粉水傷春歎逝隄紅怨綠心肝嘔出窮劓雕
嗚呼此意何蕭條脫帽露頂拔劍起舞狂歌爛醉且

盡樽中醪

養原陳允頤甫草

大集名家批語已詳之可再益覆
讀一遍謹於末稱意字句備有改易
附注眉際用此付刊可稱完璧茲以奉
繳世兄詩稿六言妄瀆數語於後
德門有此美才可慶之此致
栗谷先生文席 黎庶昌再拜
五月七日



